

Van dem rechten

der ersten Episteln tho den Corinthern am andern capittel steit / Dat nēn oge gesēn hefft / vnde nēn ōr gehōrt hefft / vnde in nēnes minschen herte gestegen ys / dat Godt beredet hefft / den / de en leuen .

Dat ander both leret / dat me Gades namen nicht myßbruke . Dat ys ōuerst Gades namen recht bruken / en anropen in allen nōden / beide liffo liken vnde geistliken / alse he gebaden hefft / ym neogen vnde veertigesten psalme / Rōp my an in der tidt der nodt / So will ick dy reddē / So schaltu my prysen . Vnde Godt secht in dem sāluen psalme / dat dat de rechte denst sy / dar me eme mede denen kōme / En anropen vnde bidden / dat he helpe / Dar tho ock eme danck seggen vor syne woldāth / Wente Godt sprickt darsāluest / So schaltu my prysen . Item / Wol danck offert / de prysen my / Vnde dat ys de wech / dat ick em wise den heil Gades .

Syt schollen ock de parners vnde predigers de lūde vormanen / tho bedende / Wente dat ys de voruillinge des ses bades / Beden / dat ys / Godt vmmē hülpe anropen in allen anuechtungen . Vnde de schollen de lūde vnderrichten / wat beden sy / vnde de wo me beden schal .

Van dem rechten Chri- stliken Bede.

BChristliken schollen se leren / dat Godt gebaden hefft tho bedende / Dar vmmē / gelick alse ydt grote sūnde ys / dodt slān / Also yssēt ock sūnde / van Gade nīchtes bidden / edder begeren . Dyth both scholde vns